



BOLETÍN RSU DECEMBRO 2020

UNIVERSIDADE DE VIGO.

UNIDADE DE ANÁLISIS E PROGRAMAS



O informe evidencia un escenario de desigualdades no que homes e mulleres “non van no mesmo barco”

A PANDEMIA AGRAVOU A FENDA DE XÉNERO QUE XA EXISTÍA ENTRE AS INVESTIGADORAS E OS INVESTIGADORES

D. BESADÍO DUVI 01/12/2020

A situación das mulleres nas universidades españolas amosaba xa unha clara diagnose de desigualdade de xénero e a pandemia non fixo máis que agravar esta situación. Así o amosa o resultado do estudo *Xénero e investigación científica na Universidade de Vigo en tempos de covid-19*, unha investigación posta en marcha pola Unidade de Igualdade co obxectivo de analizar o impacto que está a ter a actual situación sanitaria nas carreiras profesionais nas mulleres e homes docentes e investigadores da Universidade de Vigo. [+info.](#)



O documento analiza a emigración a outros territorios de persoas de alta cualificación

GALICIA GASTA ENTRE 178 E 311 MILLÓNS ANUAIS EN FORMAR UNIVERSITARIAS E UNIVERSITARIOS QUE EMIGRAN

DUVI OURENSE 02/12/2020

“Galicia incorre anualmente nun coste por xerar titulados que emigran fundamentalmente por cuestións laborais de, como mínimo, 178 millóns de euros ao ano (supondo que os estudantes rematan a súa formación en catro anos), cantidade que se amplía a 311 millóns (se a remata en sete)”. Esta cifra é unha das destacadas no informe *Fuga de talento en Galicia. Mito ou realidade?* realizado polo Foro Económico de Galicia, entidade xestionada polo Grupo Gen da Universidade de Vigo. [+info.](#)



Pedro Figueroa, Yoya Blanco e Daniel Gallego. Foto: Concello de Pontevedra

PRETO DE 20.000 DATOS PARA TRAZAR UNHA RADIOGRAFÍA ECONÓMICA E SOCIAL DE PONTEVEDRA

D. BESADÍO DUVI 01/12/2020

A situación das mulleres nas universidades españolas amosaba xa unha clara diagnose de desigualdade de xénero e a pandemia non fixo máis que agravar esta situación. Así o amosa o resultado do estudo *Xénero e investigación científica na Universidade de Vigo en tempos de covid-19*, unha investigación posta en marcha pola Unidade de Igualdade co obxectivo de analizar o impacto que está a ter a actual situación sanitaria nas carreiras profesionais nas mulleres e homes docentes e investigadores da Universidade de Vigo. [+info.](#)



Na 2ª edición do workshop 'Sociedade dixital e xénero. Hackeando o patriarcado'

UVIGO E DEPUTACIÓN DE PONTEVEDRA ERGUEN A BANDEIRA VIOLETA FRONTE OS 'MACHITROLES' DO MUNDO DIXITAL

M.DEL RÍO DUVI 03/12/2020

Noticias falsas e desinformación sobre cuestións de xénero, acoso ás mulleres nas redes sociais, ameazas ás feministas, algoritmos machistas nas plataformas web ou empregos tecnolóxicos masculinizados. Todas estas realidades conforman un patriarcado dixital que vén a unirse ás tradicionais desigualdades de xénero que as mulleres levan sufrindo historicamente. Estes novos comportamentos sexistas e discriminatorios relacionados coas novas tecnoloxías centraron a segunda edición do workshop *Sociedade dixital e xénero. Hackeando o patriarcado* [+info](#).



Imaxe de arquivo dos responsables da Rede Localis, Concepción Campos e Alberto Vaquero

AS CONTAS DOS CONCELLOS GALEGOS PERMITEN “FAVORECER A PROTECCIÓN DO TECIDO ECONÓMICO LOCAL”

DUVI OURENSE 04/12/2020

O [Observatorio Municipal Galego](#) fixo pública este venres a súa última análise da situación económica-financeira dos concellos galegos e nela conclúen que “os municipios gozan, en xeral, de boa saúde e, por tanto, están en condicións de reforzar o apoio ás economías locais nestes tempos de crises”. Segundo este observatorio, iniciativa da Rede Localis, rede xestionada polo grupo de investigación GEN da Universidade de Vigo, “os indicadores amosan unha situación económica-financeira saneada, que posibilitaría non só pensar en axudas concretas para favorecer o mantemento do tecido produtivo...”. [+info](#).




Herba empaquetada con plástico

A UVIGO PARTICIPA NUNHA REDE EUROPEA QUE FORMARÁ DOUTORANDOS PARA AFONDAR NO COÑECEMENTO DO IMPACTO DOS PLÁSTICOS NOS SOLOS AGRÍCOLAS

Mª DEL CAMEN ECHEVARRÍA DUVI 04/12/2020

Cubertas de invernadoiros, túneles, ensilaxe ou películas de polímero para *mulching* (acolchado). Estas son só algunhas das utilidades dos plásticos en sistemas de produción no caso dos solos agrícolas, aos que tamén chegan a través do rego con augas residuais tratadas, ou mediante a aplicación de lodos de depuradora ou compost, e mesmo arrastrados polo vento. [+info](#).



Participantes na clausura do curso, que se levou a cabo a través da plataforma Zoom

TEMPORALIDADE E REMUNERACIÓNS, PRINCIPAIS RETOS DA NEGOCIACIÓN COLECTIVA TRALA PANDEMIA

DUVI PONTEVEDRA 04/12/2020

Preto de 25 alumnos e alumnas, entre os que se atopaban tanto estudantado de Dereito e Relacións Laborais, como profesionais e representantes de organizacións sindicais e empresariais participaron na tarde deste xoves na “entrega de diplomas virtual” coa que se puña peche á terceira edición do Curso de negociación colectiva e individual no ámbito laboral. Promovido polo Departamento de Dereito Público Especial da Universidade de Vigo e o Consello Galego de Relacións Laborais (CGRL). [+info](#)

3



Foto de familia dos responsables dos centros coas autoridades Foto: Xunta

ATLANTTIC, CINBIO E CIM FORMARÁN PARTE DA MARCA CIGUS, CENTRO DE INVESTIGACIÓN DO SISTEMA UNIVERSITARIO GALEGO

DUVI 04/12/2020

atlanTTic, Cinbio e CIM son os tres centros de investigación da Universidade de Vigo que formarán parte da marca Cigus, Centro de Investigación do Sistema Universitario Galego, un novo selo identificativo no que se está a traballar desde o executivo galego e que, tal como anunciou este venres o presidente, Alberto Núñez Feijóo, permitirá proxectar Galicia como referente no ámbito científico e investigador, “unha especie de Galicia Calidade da investigación”. [+info](#).



O obxectivo desta iniciativa é concienciar á comunidade universitaria

A VICERREITORÍA IMPULSA UNHA CAMPAÑA INFORMATIVA CONTRA O TABAQUISMO

DUVI PONTEVEDRA 07/12/2020

Cinco enfermidades están directamente relacionadas co consumo de tabaco e o seu tratamento cóstalle 7695 millóns de euros anuais ao sistema sanitario. A produción de tabaco provoca cada ano a corta de 200.000 hectáreas de bosque e selva e, no actual contexto sanitario, o fume de tabaco pode ser un factor de transmisión de partículas víricas. Estas son algunhas das mensaxes que reúne a campaña informativa desenvolvida pola Vicerreitoría do campus de Pontevedra, xunto coa Oficina de Medio Ambiente da Universidade, co obxectivo de concienciar á comunidade universitaria dos efectos do tabaquismo na saúde. [+info](#).

Decembro 2020.



*O estudo pon de relevo a importancia de realizar actividade física de forma regular.
Foto: Pixabay*

A OBESIDADE REDUCE A ESPERANZA DE VIDA, PERO NON NAQUELAS PERSOAS FISICAMENTE ACTIVAS

DUVI PONTEVEDRA 09/12/2020

A obesidade é un problema de saúde global, que afecta a máis de 670 millóns de persoas e que pode conducir a patoloxías crónicas como diabetes de tipo 2, enfermidades cardiovasculares ou cancro. Trátase pois dun factor de risco de morte prematura que, segundo un estudo realizado por investigadores das universidades de Vigo e Sidney e da Norwegian School of Sport Sciences, podería verse compensado pola práctica regular de actividade física. [+info](#).



O CONCELLO FORNECE CON 350.000 EUROS UN PROGRAMA DE AXUDAS SOCIAIS PARA O ALUMNADO DA UVIGO

DUVI 10/12/2020

O desenvolvemento dun programa de concesión de axudas sociais ao alumnado, que ten por finalidade acadar que ningún estudante quede excluído dos estudos universitarios por razóns económicas é o obxecto do convenio asinado hoxe polo alcalde de Vigo, Abel Caballero, e o reitor da UVigo, Manuel Reigosa. As bolsas, ás que o Concello achegará 350.000 euros, pretenden garantir a igualdade de oportunidades do . [+info](#).



O proxecto CostSnap une comunidades científicas e cidadanía de todos os continentes nunha iniciativa que trata de monitorizar as praias e a dinámica costeira obtendo datos a través das fotografías que envían os visitantes dos areeiros

UNHA INICIATIVA DE CIENCIA CIDADÁ PERMITE MONITORIZAR AS PRAIAS E AVALIAR A DINÁMICA COSTEIRA

M. DEL RÍO DUVI 10/12/2020

Ciencia cidadá, comunitaria e sen fronteiras. O proxecto CostSnap une comunidades científicas e cidadanía de todos os continentes nunha iniciativa que trata de monitorizar as praias e a dinámica costeira obtendo datos a través das fotografías que envían os visitantes dos areiros. [+info](#).



O posto estivo ubicado na entrada do Edificio de Ferro

ALUMNADO DO CAMPUS INFÓRMASE SOBRE A PREVENCIÓN DE CONSUMO DE SUBSTANCIAS ADITIVAS

DUVI OURENSE 11/12/2020

As actividades do programa de prevención de consumo de substancias aditivas *A que xogas? Coñece as normas. Ti decides* chegaron este venres ao campus de Ourense no seu percorrido polas universidades galegas. Nun posto ubicado no Edificio de Ferro, o alumnado puido recibir “información veraz e contrastada sobre substancias aditivas, co obxectivo de aumentar a percepción do risco que conleva o seu consumo”, segundo indican desde a súa organización. [+info](#).



Este venres entregáronse as prendas na sede da asociación Berce

O ALUMNADO DE CIENCIAS SOCIAIS E DA COMUNICACIÓN DOA 50 SUADOIROS Á ASOCIACIÓN BERCE

DUVI PONTEVEDRA 11/12/2020

O grupo de estudantes da Facultade de Ciencias Sociais e da Comunicación responsable da organización dos actos de Santa Kata 2020 entregou este venres á asociación de iniciativa social Berce 50 suadoiros que deseñaran para recadar fondos para a celebración da padroa da facultade, que a crise sanitaria impediu levar a cabo. [+info](#).



Felipe Gil, primeiro pola esquerda, acompañado do resto de investigadores da UVigo implicados no proxecto

A UVIGO PARTICIPA NUN CONSORCIO EUROPEO QUE BUSCA CREAR UNHA NOVA XERACIÓN DE TECNOLOXÍAS DE DETECCIÓN INTELIXENTES

D. BESADÍO DUVI 14/12/2020

As tecnoloxías de detección intelixentes convertéronse en parte da vida diaria e cada vez é máis habitual o emprego de sensores para mellorar o día a día das persoas en múltiples ámbitos, desde lograr unha asistencia sanitaria moito máis personalizada ata conseguir incrementar a seguridade de condutores e peóns nas estradas. [+info](#).



A UNIVERSIDADE ACHEGA O SEU COÑECEMENTO AOS INSTITUTOS

M. DEL RÍO DUVI 14/12/2020

A crise sanitaria non está a permitir que o alumnado de colexios e institutos poida achegarse aos campus a través das xornadas de portas abertas, as actividades divulgativas ou visitas guiadas. Para tratar de manter esta ponte entre a Universidade e o alumnado pre-universitario, a Vicerreitoría de Captación de Alumnado, Estudiantes e Extensión Universitaria deseñou un programa de charlas científico-divulgativas co obxectivo de levar o coñecemento que se xera nas escolas e facultades da UVigo a institutos de toda Galicia. [+info](#).



Trátase dunha modalidade de exercicio físico consistente en camiñar empregando uns bastóns específicos

INVESTIGADORES DE CIENCIAS DA EDUCACIÓN E DO DEPORTE PUBLICAN O PRIMEIRO ESTUDO SOBRE MARCHA NÓRDICA E ESCLEROSE MÚLTIPLE

DUVI PONTEVEDRA 15/12/2020

Fatiga, alteracións da marcha e diminución da mobilidade funcional son algúns dos problemas aos que teñen que facer fronte as persoas con esclerose múltiple, para as que a prescrición dun exercicio físico adaptado ás súas características e necesidades pode ter un impacto positivo na súa autonomía funcional. [+info](#).



A docente e investigadora Cristina Sobrino

UVIGO E CSIC ESTUDARÁN NOS OCÉANOS ATLÁNTICO E AUSTRAL O TRANSPORTE DE CONTAMINANTES DE ORIXE HUMANA

M^a DEL CAMEN ECHEVARRÍA DUVI 15/12/2020

Desde mañá e durante os próximos 30 días investigadoras e investigadores da Universidade de Vigo, do Instituto de Diagnóstico Ambiental y Estudios del Agua (IDAEA-CSIC) e do Instituto de Química Orgánica General (IQOG-CSIC), en colaboración coa Unidad Tecnológica Marina (UTM-CSIC) participarán nunha expedición no océano Atlántico para estudar e cuantificar as entradas atmosféricas de contaminantes emerxentes e materia orgánica procedente da actividade humana nos océanos Atlántico e Austral, así como o seu impacto no mar. [+info](#).



Gráfico no que se amosan o nome dos proxectos seleccionados

SHERPA DO MAR DÁ A COÑECER OS 12 PROXECTOS EMPRESARIAIS DE BASE TECNOLÓXICA GAÑADORES DO SEU PROGRAMA DE EMPRENDEMENTO

DUVI 15/12/2020

Doce proxectos empresariais de base tecnolóxica do ámbito mariño-marítimo de Galicia e o norte de Portugal van recibir apoio para a súa valorización e posta en marcha a través de Sherpa do Mar, un programa europeo liderado polo grupo de investigación REDE da Universidade de Vigo e no que tamén participan Campus do Mar e a oficina de I+D. [+info](#).



O Concello de Vigo acolleu este mércores un acto para presentar os proxectos seleccionados na provincia

A AECC FINANCIA UN ESTUDO DA UVIGO SOBRE AS CÉLULAS TUMORAIS CIRCULANTES COMO FERRAMENTAS PARA A MEDICINA DE PRECISIÓN NO CANCRO COLORRECTAL

M. DEL RÍO DUVI 16/12/2020

O cancro lévase, cada día, a vida de 300 persoas en España. Pero a investigación en tratamentos e prevención avanza constantemente e algúns tumores xa teñen unha taxa de supervivencia do 90%. Isto, segundo a Asociación Española contra o Cancro, demostra que a ciencia salva vidas, motivo polo que a AECC se ten convertido na entidade social e privada que máis fondos destina para a investigación en cancro. [+info](#).



Javier Abuín, primeiro doutor en Creatividade e Innovación Social e Sustentable

A RESPONSABILIDADE SOCIAL DOS DEPORTISTAS DE ALTO NIVEL CENTRA A PRIMEIRA TESE DO CAMPUS CREA

EDUARDO MUÑIZ DUVI PONTEVEDRA 17/12/2020

Nacido en 2017 ao abeiro do proxecto de especialización do Campus Crea, o [Programa de Doutoramento en Creatividade, Innovación Social e Sustentable](#) busca promover investigacións de carácter interdisciplinar, que vinculen diferentes áreas de análise. Comunicación e deporte foron os dous ámbitos en torno aos que Javier Abuín articulou a súa tese de doutoramento, que na tarde deste mércores defendía de xeito virtual diante do tribunal. [+info](#).



As sesións presenciais desenvólvense no edificio Xurídico-Empresarial

O ALUMNADO SÉNIOR AFONDA EN COMO PASAR DO ENVELLECIMENTO ACTIVO AO ENVELLECIMENTO ACTIVISTA

DUVI OURENSE 17/12/2020

Co lema *Do envellecemento activo ao envellecemento activista*, o Programa Universitario de Maiores do campus de Ourense acolle este mes de decembro a celebración dunha iniciativa da oenegé Solidariedade Internacional Galicia que busca “contribuír á formación integral das persoas maiores de 55 anos para exercer a cidadanía global, promovendo especialmente a súa participación social e voluntariado”. A actividade, financiada pola Xunta de Galicia, tamén se celebra no Campus de Vigo e noutros campus galegos. [+info](#).



Soto e Ramírez, durante a sinatura

A UNIVERSIDADE BUSCA FORTALECER A SÚA COLABORACIÓN CO FORO EMPRESA PONTEVEDRA

DUVI PONTEVEDRA 17/12/2020

Co propósito de fortalecer os seus lazos de colaboración e impulsar conxuntamente proxectos e actividades, a Universidade de Vigo e o [Foro Empresa Pontevedra](#) asinaron este xoves un convenio marco de colaboración, nun acto celebrado na sede da Vicerreitoría do campus. “É importante que dúas institucións unan esforzos para intentar desenvolver actividades e actuacións que vaian a favor da cidade e da provincia”, salientou o vicerreitor do campus de Pontevedra, Jorge Soto, trala sinatura deste acordo, dirixido a regular a colaboración entre a institución académica e este foro de debate promovido por unha serie de asociacións e empresarios. [+info](#).



As persoas gañadoras co reitor, o presidente do Consello Social e a vicerreitora de Responsabilidade Social

A UNIVERSIDADE PON EN VALOR O LABOR SOLIDARIO DA ASOCIACIÓN PROVIVIENDA E DO FONDO GALEGO DE COOPERACIÓN

D. BESADÍO DUVI 18/12/2020

Ás portas do Nadal e na celebración do Día Internacional do Migrante, a Universidade de Vigo quixo pór en valor o traballo solidario que día a día levan a cabo todas as persoas que forman parte da asociación Provivienda e do Fondo Galego de Cooperación e Solidariedade, as dúas entidades que este venres recibiron o II Premio Consello Social UVigo-Humana. [+info](#)



Un intre da sesión

O CONSELLO DE CAMPUS ABORDA OS TRÁMITES DO GRAO EN DESEÑO E A APOSTA POLAS ENERXÍAS RENOVABLES

DUVI PONTEVEDRA 18/12/2020

Combinando a asistencia presencial, na sede da Vicerreitoría, co seguimento virtual a través de Campus Remoto, o Consello de Campus de Pontevedra desenvolveu este venres a súa última sesión neste 2020, na que, entre outras cuestións, o reitor, Manuel Reigosa, abordou o estado no que se atopan os trámites de cara a implantación do grao en Deseño, así como o avance nas obras da planta de biomasa. [+info](#).



A UVIGO ANIMA OS ESTUDANTES A CONVERTERSE EN AXENTES DE CAMBIO

M. DEL RÍO DUVI 21/12/2020

De cara ao segundo cuadrimestre, a Vicerreitoría Responsabilidade Social, Internacionalización e Cooperación quere impulsar o coñecemento e a implicación da comunidade universitaria sobre a Axenda 2030. Con este fin, pon en marcha dous cursos dirixidos ao alumnado para, por unha banda, fomentar esta temática nos traballos fin de grao e fin de mestrado e, por outra, para implicalos no voluntariado arredor destes contidos. [+info](#).

TODA A INFORMACIÓN DO MOVEMENTO COOPERATIVO GALEGO, NUN CLIC

Mº DEL CARMEN ECHEVARRÍA DUVI 22/12/2020

Entre 1330 e 1400 cooperativas, segundo a fonte consultada, existen na actualidade en Galicia, destacando pola súa importancia as dos ámbitos do cooperativismo agrario e o cooperativismo de traballo asociado. Mentres o primeiro agrupa tanto a pemes, como a grandes empresas, o segundo está integrado, sobre todo, por microempresas de todos os sectores, onde tamén coexisten experiencias cooperativas doutras clases, como as cooperativas do mar, servizos sociais, consumo, vivenda, transportes ou servizos financeiros. [+info](#).



Carlos Iglesia Malvido e María José Cabaleiro Casal



Juan Picos e José Antonio Vega, nunha das xuntanzas desta unidade mixta

XUNTA E UNIVERSIDADE AVANZAN NA ELABORACIÓN DA FUTURA LEI DE DEFENSA CONTRA OS LUMES FORESTAIS

DUVI PONTEVEDRA 22/12/2020

A Xunta de Galicia e a Universidade de Vigo continúan desenvolvendo un proceso de traballo participativo de cara a elaboración da futura lei autonómica de prevención e defensa contra os incendios forestais. A unidade mixta que coordinan a Escola de Enxeñaría Forestal e a Consellería do Medio Rural vén de celebrar unha nova xuntanza de traballo, que tivo como obxecto analizar diferentes aspectos técnicos relacionados coas actuacións en materia de prevención. [+info.](#)

UNIVERSIDADE DE VIGO

Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640